




A BREDE NANG A WATRA FU LIBI

Les 7 fu 16 Awgestes 2025



“Dan Masra taigi Moses,”
Olanga yu no wani fu hori
den komandi nanga kebot
fu Mi ? Luku, Masra gi yu
a Sabat; Datmeki a gi yu
tapu a siksi dei, brede fu
tu dei. Meki alaman tan
na en presi; no meki no
wan man go fu en presi
na a dei di e meki seibi.
So, den rostu tapu a dei
di e meki seibi.”


Eks.16:28-30



Tef kba den psa pe Egepti e tapu. Tefu kba den ben de na pasi fu go na Kana-an, a kondre di ben lon merki nanga honi.

Dri dei langa , ala sani luku bun.Ma nyan di den ben abi ben e klari. Fa den sa gi tu milyun sma nyan ini a sabana?

Di den si problema, a folku bigin kragi. Den ben sa wani fu moro betre den ben sa dede ini Egepti ! Fu tru den bribi ben musu gro, a ben musu kon tranga. So Gado gi den watra nanga brede; kibri den fu den feiyanti ; e'n yepi den fu orga den srefi.



Watra di kon gesontu (Eks. 15:22-27)

A brede fu Heimel (Eks. 16:1-36)

A Bigi ston na Horep (Eks. 17:1-7)

Den anu na loktu (Eks. 17:8-16)

Bun rai (Eks. 18:1-27)

A brede nanga watra fu libi: Yeises

“Den difrenti ondrofeni fu den Hebrei, ben de wan skoro fu sreka den, fu go na a pramisi oso ini Kana-an. Gado wani En pipel ini den dei disi fu luku nanga sakafasi ati, owktu wan yeye di wani leri, den tesi di owru Israel psa, fu den kisi bun leri ini a sreka fu den, fu go na a kana-an na heimel.”

EGW (Patriarchs and Prophets, p. 293)

WATRA DI KON GESONTU

"Di den doro Mara, den no ben man dringi a watra, bika a ben bita. Datmeki den kari a presi "Mara" (Eks. 15:23)



Efu Gado de nanga wi, fa wan takru kan miti wi ? Dati gersi fa den Israelit ben denki, baka di den psa a Redi Se.

Di den feni dati a watra no ben bun fu dringi, den bigin krutu; "San wo dringi ?" (Eks. 15 : 24) Gado ben kan krin a watra bifo den ben dori, ma A wakti a yoisti momenti.

A aksi owktu Moses fu yepi du a wondru, di a aksi en fu trowe wan taki fu meki a watra krin. (Eks. 15:25).

Gado wani fu wi sabi dati a de nanga wi , fu wakti En komandi , fu wroko makandra nanga En.

Efu Israel ben du san Gado wani, ben hori den kebot fu Gado di A gi den , den ben kan abi a dyaranti dati A ben sa kibri den fu ogri. (Eks. 15: 26).



A BREDE FU HEIMEL

"Di den Israelit si a sani, den aksi den srefi , " San nen ?" Bika den no ben sabi san nen. Moses taigi den , " na a brede di Masra gi yu fu nyan" (Eks. 16: 15)

A lostu fu nyan meti, meki den Israelit krutu-krutu teige Moses nanga A-aron.(Eks.16:2,3) Ma a krutu-krutu fu den ben de teige Gado srefi.(Eks. 16:8) San ben de den problema?

Den fergiti a **historia**


Den spikri den ai soso tapu den problema fu **Now**

Den lasi ai tapu den pramisi fu a **tendekon**




Di a gi den anamu fu nyan, Gado gi den nofo brede fu den nyan aladei... 40 yari langa ! (Eks. 16: 35).

Dis brede fu heimel, fu tru ben de wan wondru:



Tea son ben opo, a ben smelter (Eks. 16:21)




Feifi dei ,san kon tide, asrefi kon tamara (Eks.16:16)



A di fu siksi dei, dobru fadon (Eks.16:22)



Satra noti no fadon (Eks.16:26)



Fu tide gomiti tamara a lai nanga woron (Eks.16:20)



Freida gomiti satra a no pori. (Eks.16:23,24)

A BIGI STON NA HOREP

"Mi sa tnapu drape fesi a bigi ston fu Horep. Naki a bigi ston, dan watra sa kmoto ini en, fu a folku dringi." So Moses du so na fesi fu den owruwan fu Israel" (Eks. 17:6)

"Masra de na wi mindri efu no ? (Eks. 17:7)" . Gado no seni brede gi den aladei fu heimel ? Den no ben kan si en ini a wolku?

A bribi di den Israelit no ben abi ben bigi fu tru. Ma Pawles e warskow wi fu no fadon ini a srefi eksemple fu no bribi.(Hebr. 3 :12).

Ala di den no ben e bribi, Yeises srefi priti a ston e'n sorgu dati den ben abi watra a heri waka fu den. En na " a ston na yeye fasi di ben e waka na den baka."(1 Kor.10:4).

Gi den, nanga wi ,Krestes na a Peti fu libi, En di e gi a te'go libi.



DEN ANU NA LOKTU

"Den Amalakiti kon fu feti nanga den Israeli na Refidim." (Eks. 17:8)




Di den e go doro ini a sabana, den amalekiti kon feti nanga Israel e'n Moses aksi Yosuwu fu ferdeideg den, di Moses , A-aron nanga Hur ben sa go na a bergi nanga a " tiki fu Gado",na a bergi (Eks.17:8-10).

Sainde den Amalekiti kon feti ?

Den ben yere san Gado ben du ini Egepti. Ma di den no ben frede leki den tra Kana-an sma, den tesi Gado, nanga opo borsu den kaka futu teige Gado, fu go feti nanga En folku.Soso fu sori dati den ben tranga moro En. (Eks.17:16).


So langa di Moses ben opo a tiki fu Gado, Israel ben e wini. Ma te en anu ben kon weri, Israel ben e lasi. (Eks.17:11).

A ten ben doro, dati a hebi fu du sani, ben musu abi moro edeman. A-aron nanga Hur ben kraka Moses. Den yepi fu meki a orga fu Gado wini. So den ben kan wini a feiyanti. (Eks. 17:12).



BUN RAI

"Ma teki man di sabi e'n kan du, ini a pipel - man di e frede Gado, man di yu kan fertrow e'n di no lobi wini di kruka - dan yu poti den fu edeman fu dusun, hondro, feifitenti manga tin." (Eks. 18:21)



Di a si den marki di Gado meki Moses du , Yetro nanga Sepora nanga den boi fu en,go luku en na Horep. (Eks. 3:12;18:1-5).

Yetro , ala di a no ben de wan Israelit, ben anbegi Gado. Datmeki , baka di a yere san psa ,tangi fu Moses ini Egepti, a prijsse Masra e'n gi Gado ofrandi.(Eks. 18 8 - 12).

A tra dei, baka di a luku fa Moses wawan ben hori krutu gi a heri folku, a gi en wan tu bun rai : prati den frantwortu fu a wroko. (Eks. 18:17-23).

Moses nanga sakafasi si wortu fu Gado ini a rai disi. Datmeki a teki a rai fu a pa fu en uma, dan a teki sma di ben kan tyari den frantwortu disi.

Fa den ben de (Eks. 18:21):

Respeki Gado


Sma musu fertrow yu

No lobi tyuku



A BREDE NANGA A WATRA FU LIBI: YEISES

"Mi na a brede fu libi, di saka kon fu heimel . Suma nyan a brede disi sa libi te'go. A brede disi na mi skin , di mi sa gi fu grontapu abi libi." (Yoh. 6:51)




Pawles e taigi wi , dati den tori fu Eksodes, ben skrifi fu wi kan sabi, sobu a abi sani na yeye fasi di wi musu gebroiki ini wi libi.(1 Kor.10:1-11).

Den tori disi e warskow wi fu no abi bigi ai; no du afkodrei; no huru, no tesi Gado, no konkru.

Morofara, Yeises teki den sani disi spesrutu fu ensrefi, den tori fu a watra fu a bigi ston nanga a brede fu heimel.

Na En e sorgu gi a watra fu libi, di wi e feni nanga a Santa Yeye(Yoh.4:14;7:37-39) En na a enkri wan di kan gi satesfakti ,nanga a watra di e kiri wi na wi insei, fu abi freide nanga prisiri.

Yeises taki ,En na a tru brede di kmoto kon fu heimel. A brede dati na en eigi skin(Yoh. 6:51) Na en skin , di broko na a kroisi fu tyari blesi libi gi ala di wani “ nyan “ en – sobu teki En leki ferlusuman, owktu fu abi wan aladei libi makandra nanga En. Krestes wawan kan gi wi satesfaksi fu a angri nanga watra di e kiri wi na yeye fasi.



“A Ferlusuman fu grontapu sabi den notu fu ala sili. Te sani e masi wi, te wi mumu ,en sabi e'n na en di e tya libi na yeye fasi. Aksi en: tan begi, a sa kon. Yeises na a brede fu libi, di wi musu nyan ala dei ; en na a watra fu libi gi a sili di e flaw kba, en heri fesi fadon, e'n wi ala kan tek prati ini a kenade fu en. Den bari fu Grontapu sa de leigi furu leisi,a watra sa drei; ma ini Krestes wan peti de di e gro watra, pe na ala ten wi kan teki watra. A no ofuru wi e teki fu gi trawan, bun furu sa tan abra. Noiti a no sa de so dati a sa kba ; di Krestes na a peti fu san tru, di noiti e kba”

EGW (The Signs of the Times, April 22, 1897)